

**ՓՈԽՆՄԱՐՈՒՄԱՆ ՀՈՒՇԱԳԻՐ ՀՀ ԿԱՌԱՎԱՐՈՒԹՅԱՆ ԵՎ ՀՆԴԿԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻՋԵՎ ՀԱՅ-ՀՆԴԱԿԱՆ
ՏԵՂԵԿԱՏՎԱԿԱՆ ԵՎ ՀԵՌԱՀԱՂՈՐԴԱԿՑՄԱՆ ՏԵԽՆՈԼՈԳԻԱՆԵՐԻ ՈՒՍՈՒՄԱԿԱՆ
ԿԵՆՏՐՈՆ ՀԻՄՆԵԼՈՒ ՄԱՍԻՆ**

Գլխավոր տեղեկություն

Տիպ	Փոխըմբռնման հուշագիր
Ակտի տիպ	Հիմնական ակտ (12.01.2010-մինչ օրս)
Կարգավիճակ	Գործում է
Սկզբնաղբյուր	ՀՀԱԳԼՊՏ 2011.01.14/12(20) Հոդ.2
Ընդունող մարմին	Հայաստանի Հանրապետություն
Ընդունման ամսաթիվ	26.06.2008
Ստորագրման ամսաթիվ	26.06.2008
Ուժի մեջ մտնելու ամսաթիվ	12.01.2010

Փ Ո Խ Ը Մ Բ Ռ Ն Մ Ա Ն Հ ՈՒ Շ Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԵՎ ՀՆԴԿԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻՋԵՎ ՀԱՅ-ՀՆԴԿԱԿԱՆ ՏԵՂԵԿԱՏՎԱԿԱՆ ԵՎ ՀԵՌԱՀԱՂՈՐԴԱԿՑՄԱՆ ՏԵԽՆՈԼՈԳԻԱՆԵՐԻ ՈՒՍՈՒՄԱԿԱՆ ԿԵՆՏՐՈՆ ՀԻՄՆԵԼՈՒ ՄԱՍԻՆ

Հնդկաստանի Հանրապետության Կառավարությունը և Հայաստանի Հանրապետության Կառավարությունը (այսուհետ՝ Կողմեր),

գիտակցելով Կողմերի միջև գոյություն ունեցող բարեկամական հարաբերությունները և ցանկանալով էլ ավելի խորացնել երկկողմ համագործակցությունը տեղեկատվական և հեռահաղորդակցման տեխնոլոգիաների (ՏՀՏ) ոլորտում,

հաշվի առնելով Հնդկաստանի Հանրապետության Կառավարության առաջարկը՝ աջակցել Հայաստանի ՏՀՏ ոլորտի զարգացմանը՝ հիմնելով Երևանում «Հայ-հնդկական ՏՀՏ ուսումնական կենտրոն» (Կենտրոն),

հաշվի առնելով նաև, որ Հնդկաստանի Հանրապետության Կառավարության կողմից որոշում է ընդունվել տրամադրել Rs. 75.57 միլիոն գումարի միանվագ դրամաշնորհ Հայաստանի Հանրապետության Կառավարությանը Հայաստանի ՏՀՏ ոլորտի զարգացման համար՝ հիմնելով Երևանում «Հայ-հնդկական ՏՀՏ ուսումնական կենտրոն»,

հիմք ընդունելով երկու երկրների շահերը,

Կողմերը եկան հետևյալ փոխըմբռնման.

Համաձայնագրի առարկան

Կողմերը համաձայնում են իրականացնել համագործակցություն ՏՀՏ զարգացման ուղղությամբ՝ սույն Համաձայնագրին, իրենց երկրների ազգային օրենսդրությանը և միջազգային իրավունքի նորմերին համապատասխան:

Նպատակները

- Ձևավորել գիտական աշխատողների միավորում և ստեղծել աշխատանքի հնարավորություններ:
- Նախապատրաստել համաշխարհային մակարդակի բարձրակարգ՝ ՏՏ ոլորտի մասնագետներ՝ հայկական շուկայում ներդրումներ ներգրավելու և արտահանումների միջոցով շուկայի հասույթը մեծացնելու նպատակով:
- Աջակցել բարձր արտադրողականության հաշվողական տեխնոլոգիայի ստեղծմանը և սահմանել համատեղ հետազոտությունների ոլորտները:

Առաքելությունը

- Կազմակերպել վկայագրման կարճաժամկետ մոդուլային դասընթացներ կիրառական համակարգչային ծրագրերի գծով:
- Վերապատրաստել Հայաստանի դպրոցների ուսուցիչներին և պետական պաշտոնյաներին՝ ՏՏ ոլորտում իրենց հմտությունները բարձրացնելու համար:
- Վերապատրաստման ծրագրերի միջոցով կատարելագործել Հայաստանի համալսարանների դասախոսների հմտությունները:
- Հիմնել ժամանակակից ՏՀՏ ուսումնական կենտրոն Երևանում:
- Կազմակերպել դասընթացներ ծրագրի իրականացման ամբողջ ժամանակաշրջանի համար՝ նախագծում, մշակում, տեստավորում, փորձարկում, սխալների ուղղում, համապատասխանեցում, ստանդարտացում, օժանդակում և այլն:
- Աջակցել Հայաստանի Կառավարությանը բարձր արտադրողականության հաշվողական տեխնոլոգիայի (ԲԱՀ) համար մասնագիտական կարողությունների զարգացմանը՝ տրամադրելով Հաշվողական առաջատար մշակումների կենտրոնի (C-DAC) կողմից մշակված PARAM (գերհամակարգիչ), համակարգչային կիրառական ծրագրեր և անհրաժեշտ դասընթացներ:
- ՏՀՏ ուսումնական կենտրոնում առաջադրված դասընթացների համար տրամադրել անհրաժեշտ ուսումնական նյութեր և գրքեր:
- ՀՀ Կառավարությանը առաջարկել փորձագետների փոխանակման ծրագիր և աջակցել նրանց՝ նախապատրաստելու համար բարձրակարգ մասնագետներ էլեկտրոնային կառավարման և ԲԱՀ ոլորտներում:
- Սահմանել և անցկացնել համատեղ հետազոտություններ բիոինֆորմատիկայի, հեռաբժշկության (telemedicine), ներկառուցված համակարգչային ծրագրերի և ԲԱՀ ոլորտներում:
- Էլեկտրոնային կառավարման ոլորտում տրամադրել խորհրդատվություն Հայաստանի

պետական և մասնավոր տարբեր հիմնարկություններին:

Հոդված 1

Հնդկաստանի Հանրապետության Կառավարությունը կհամագործակցի և կաջակցի հետևյալ ուղղություններով՝ համակարգչային սարքաշարերի, ծրագրաշարերի և այլ սարքավորումների տրամադրում, հայ փորձագետների վերապատրաստում Հնդկաստանում, Հնդկաստանից SՀS փորձագետների գործուղում SՀS ուսումնական կենտրոնը հիմնելու և պրակտիկ վերապատրաստում անցկացնելու համար, ուսումնական նյութերի և գրքերի տրամադրում, ինչպես նշված է ստորև.

1. Հնդկաստանի Կառավարության անունից որպես իրականացնող գործակալության նշանակել Հաշվողական առաջատար մշակումների կենտրոնին:

2. Կենտրոնի դասընթացների համար տրամադրել SS սարքաշարեր, համապատասխան ծրագրաշարեր և գործավար համակարգեր, ցանցային սարքավորումներ և լսարանի համար անհրաժեշտ այլ սարքավորումներ (պրոյեկտոր, էլեկտրոնային գրատախտակ, տպիչ և այլն):

3. Հնդկաստանից Հայաստան գործուղել SՀS փորձագետներ 50 մարդ/ամիս ընդհանուր հաշվարկով՝ Կենտրոնը հիմնելու և հայ դասախոսների համար պրակտիկ վերապատրաստում անցկացնելու համար:

4. Փորձագետների փոխանակում ԲԱՀ, հեռաբժշկության, էլեկտրոնային ուսուցման և այլ ոլորտներում, սեմինարների կազմակերպում Հնդկաստանում և Հայաստանում 3 մարդ/ամիս ընդհանուր հաշվարկով:

5. Առաջատար SՀS դասընթացների գծով հայ փորձագետների վերապատրաստում Հնդկաստանում 48 մարդ/ամիս ընդհանուր հաշվարկով:

Հոդված 2

Հայաստանի Հանրապետության Կառավարությունը Ծրագրին կտրամադրի հետևյալ աջակցությունը.

1. Հայաստանի Կառավարության անունից որպես իրականացնող գործակալության նշանակել Ձեռնարկությունների ինկուբատոր հիմնադրամին:

2. Հատկացնել շենք անհրաժեշտ տարածքներով, ներքին միջնապատերով, ներքին հարդարանքով, կապի միջոցներով (տարածքային համակարգչային ցանց (LAN) հեռախոսակապ, ISDN և այլն), հոսանքով, ինչպես նաև հագեցած հետևյալ հարմարություններով՝ UPS/DG սարք (այլընտրանքային հոսանքի մատակարարում), ջրամատակարարում, ջեռուցում, օդափոխություն և այլն:

3. Տրամադրել համակարգիչներ և գրասենյակային կահույք, գրասենյակների, լսարանների, գրադարանի և դասախոսների աշխատասենյակների համար անհրաժեշտ այլ սարքավորումներ:

4. Անվճար տրամադրել կահավորված բնակարաններ, փոխադրամիջոցներ, կապ և բժշկական ծառայություններ Հնդկաստանից գործուղված փորձագետների համար:

5. Հնդկաստանի փորձագետներին տրամադրել գրասենյակ, կապի միջոցներ և աջակցություն մուտքի արտոնագիր, աշխատանքի թույլտվություն ստանալու հարցում և այլն:

6. Համագործակցության ծրագրով նախատեսված ապրանքները և ծառայությունները կազատվեն Հայաստանի օրենսդրության համաձայն կիրառվող մաքսատուրքերից, ներքին հարկերից և այլ ֆինանսական գանձումներից, կամ Հայաստանի Կառավարությունը կծածկի մաքսատուրքերի, ներքին հարկերի և այլ ֆինանսական գանձումների հետ կապված՝ Հայաստանում առաջացած բոլոր ծախսերը:

7. Ապահովել մատակարարված ապրանքների մաքսագերծումը և դրանց տեղափոխումը Կենտրոն կարճ ժամկետներում: Որևէ ուշացման դեպքում պատասխանատու կլինի Հայաստանի Կառավարությունը:

8. Համակարգել տեղական միջոցառումները և գործունեությունը Կենտրոնի աշխատանքների և ուսումնական դասընթացների ընթացքում, ապահովել անհրաժեշտ գործիքներ, միջոցներ, աշխատողներ և այլն:

9. Ընտրել և վարձել հայ փորձագետներ, ովքեր կմասնակցեն վերապատրաստման դասընթացներին Հնդկաստանում և այնուհետև կստանան Կենտրոնի կառավարումը: Կենտրոնի բնականոն աշխատանքի և գործունեության համար ցանկալի է, որ ՀՀ Կառավարությունն ապահովի, որ Հնդկաստանում վերապատրաստված դասախոսները առավելագույն տարի տարի աշխատեն Կենտրոնում:

10. Տրամադրել ամենօրյա ֆինանսական և կառավարման աջակցություն Կենտրոնին:

11. Հոգալ Կենտրոնի ամենօրյա գործառնական ծախսերը:

12. Տրամադրել բոլոր պահանջվող թույլտվությունները և հաստատումները Կենտրոնի ստեղծման և գործունեության համար:

Հոդված 3

Ծրագրի պատշաճ իրականացումը վերահսկելու նպատակով կձևավորվի Ծրագրի

մոնիտորինգի հայ-հնդկական համատեղ հանձնաժողով, որի կազմում կլինեն Հնդկաստանի Հանրապետության և Հայաստանի Հանրապետության Կառավարությունների, C-DAC կենտրոնի և ՁԻՀ-ի ներկայացուցիչները: Հանձնաժողովը կաջակցի Ծրագրի իրականացմանը և ամսական կտրվածքով կվերահսկի Կենտրոնի կողմից կատարված աշխատանքը:

Հոդված 4

Եթե սույն Հուշագրի որևէ հոդվածի կամ գործողության արդյունքում կամ առնչությամբ առաջանա մտավոր սեփականության հետ կապված խնդիր, ապա այդ օբյեկտի նկատմամբ սեփականության իրավունքը կշնորհվի՝ ելնելով տվյալ դեպքի առանձնահատկություններից, կիրառելի ազգային օրենսդրությանը և միջազգային սկզբունքներին համապատասխան: Սակայն եթե C-DAC կենտրոնը նախագծի և մշակի որևէ ծրագրաշար, սարքաշար, ուսումնական նյութ, մեթոդաբանություն/մեթոդ, նման աշխատանքների նկատմամբ մտավոր սեփականության իրավունքը կպատկանի C-DAC կենտրոնին (Հնդկաստանի Կառավարության SS վարչությանը): Նմանապես, եթե Կենտրոնը նախագծի և մշակի որևէ համակարգչային ծրագրաշար, սարքաշար, ուսումնական նյութ, մեթոդաբանություն/մեթոդ, նման աշխատանքների նկատմամբ մտավոր սեփականության իրավունքը կպատկանի Կենտրոնին (Հայաստանի Հանրապետության Կառավարությանը):

Կողմերը հաստատում են, որ որևէ երրորդ պետության չեն փոխանցի կամ տարածի սույն Հուշագրով նախատեսված համատեղ աշխատանքների ընթացքում հայտնի դարձած որևէ տեղեկություն՝ բացառությամբ այն դեպքերի, երբ հակառակ Կողմը գրավոր թույլտվություն է տվել, կամ եթե դա պահանջվել է դատական կարգով: Նման կերպով հանրությանը հայտնի դարձած տեղեկությունները /տվյալները/, հաշվետվությունները այլևս չեն համարվի գաղտնի:

Հոդված 5

Կենտրոնի աշխատանքային լեզուներն են անգլերենն ու հայերենը, և համակարգչային բոլոր ծրագրաշարերը, ուսումնական նյութերը, դասընթացները կլինեն հայերեն կամ անգլերեն:

Հոդված 6

Սույն Փոխըմբռնման հուշագրի դրույթների մեկնաբանման կամ կիրառման ժամանակ վեճեր կամ տարաձայնություններ ծագելու դեպքում Կողմերը դրանք կլուծեն խորհրդակցությունների և բանակցությունների միջոցով:

Հոդված 7

Կողմերից յուրաքանչյուրի նախաձեռնությամբ և փոխադարձ համաձայնությամբ սույն Փոխըմբռնման հուշագրում կարող են կատարվել փոփոխություններ, որոնք կձևակերպվեն առանձին արձանագրություններով՝ ստորագրված Կողմերի կողմից:

Հոդված 8

Սույն Հուշագրի դրույթների իրականացման նպատակով յուրաքանչյուր Կողմ ինքնուրույն կորոշի Ծրագրի արժեքը, ժամանակացույցը, համակարգչային սարքաշարերի, ծրագրաշարերի, ցանցային սարքավորումների բնութագրիչները և այլ մանրամասները: Սույն Հուշագրի կիրարկման նպատակով մշակված բոլոր փաստաթղթերը կլինեն Հուշագրի անբաժանելի մասը:

Հոդված 9

Սույն Փոխըմբռնման հուշագիրն ուժի մեջ է մտնում ուժի մեջ մտնելու համար անհրաժեշտ՝ Կողմերի ներպետական ընթացակարգերը կատարելու մասին վերջին գրավոր ծանուցումը դիվանագիտական ուղիներով ստանալու օրվանից և գործում է անորոշ ժամկետով:

Սույն Փոխըմբռնման հուշագրի գործողությունը դադարում է Կողմերից մեկի՝ դրա գործողությունը դադարեցնելու մտադրության մասին գրավոր ծանուցումը ստանալու օրվանից վեց ամիս հետո:

Ի հաստատումն որի՝ Կողմերի լիազորած ներքստորագրյալ ներկայացուցիչները, պատշաճ կերպով լիազորված լինելով, ստորագրեցին սույն Փոխըմբռնման հուշագիրը:

Հաստատված է Երևանում 2008թ. հունիսի 26-ին, երեք բնօրինակով, յուրաքանչյուրը՝ հայերենով, անգլերենով և հինդի լեզվով: Մեկնաբանման ժամանակ առաջացած տարաձայնությունների դեպքում կգերակայի անգլերեն տեքստը:

Փոխըմբռնման հուշագիրն ուժի մեջ է մտել 2010թ. հունվարի 12-ին:

Փոփոխման պատմություն

Փոփոխող ակտ

Համապատասխան ինկորպորացիան

Փոփոխված ակտ

Փոփոխող ակտ

Համապատասխան ինկորպորացիան